

1.2. - TUĐA NJEGA I POMOĆ

1. Stara i nemoćna lica su ona koja prelaze 60 godina (žene) odnosno 65 godina (muškarci).
2. Služba socijalne zaštite će u postupku ostvarivanja ovog prava, vezano za stara i nemoćna lica (60 godina za žene, odnosno 65 godina za muškarce) postupiti na slijedeći način:
 - a) Lica koja su po bilo kom osnovu, pravo na njegu i pomoć od strane drugog lica ostvarile prije 60 godine odnosno 65. godine života, to pravo će i dalje ostvarivati u stepenu već utvrđenom u prethodnom postupku.
 - b) Za lica koja su pravo na njegu i pomoć od strane drugog lica ostvarila nakon 60 godine odnosno 65 godine života pristupiće se utvrđivanju imovinskog cenzusa u skladu sa članom 26. Zakona o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo.
 - c) Ukoliko lice koje ima više od 60 odnosno 65 godina prvi put podnosi zahtjev za njegu i pomoć od strane drugog lica prvo će se pristupiti utvrđivanju imovinskog cenzusa, pa u koliko ispunjava taj uvjet uputit će se na nadležnu ljekarsku komisiju.
3.
 - a) Korisnici koji su po ranijem Zakonu ostvarili pravo na njegu i pomoć od strane drugog lica u visini 100% potrošačke korpe a ne mogu se svrstati u grupu starih i nemoćnih lica, razvrstavaju se u prvi stepen iz člana 28. Zakona.
 - b) Korisnici koji su po ranijem Zakonu ostvarili pravo na njegu i pomoć od strane drugog lica u visini 80% potrošačke korpe a ne mogu se svrstati u grupu starih i nemoćnih lica, razvrstavaju se u drugi stepen iz člana 29. Zakona.
4. a) Korisnik prava na njegu i pomoć od strane drugog lica može se izjasniti da umjesto novčane naknade za pomoć i njegu od strane drugog lica, ostvaruje pravo na kućnu njegu i pomoć u kući.

1.3.-OSPOSOBLJAVANJE ZA ŽIVOT I RAD

1. Da bi se moglo ostvariti pravo na materijalnu naknadu nakon što zaposleno lice izgubi posao bez svoje krivice dužno je priložiti slijedeća dokumenta:

- rješenje o prestanku radnog odnosa iz koga se mogu vidjeti razlozi prestanka radnog odnosa,
- dokaz od nadležnog organa da je iskoristio pravo po osnovu propisa iz radnog odnosa,
- potvrda da se nalazi na evidenciji Službe za zapošljavanje,
- dokaz da je koristio ili je imao pravo koristiti materijalnu naknadu prije zaposlenja (ček, rješenje itd), dokaz o završenom osposobljavanju za život i rad i rehabilitaciju.

1.4. - SMJEŠTAJ

- a) Kad se radi o smještaju raseljenih lica u ustanove ili porodice, ili osposobljavanju za život i rad djece koja su smještena na cjelodnevni ili internatski boravak provest će se postupak, nakon čega se spis upućuje Sektoru za raseljena lica.
- b) Izuzetno ako se radi o hitnosti smještaja, smještaj će se izvršiti a spis naknadno dostaviti Sektoru za raseljena lica radi davanja saglasnosti.
- c) Stručni tim službe socijalne zaštite donosi zaključak kojim daje mišljenje o smještaju i visini učešća srodnika u snošenju troškova smještaja korisnika u drugu porodicu ili ustanovu socijalne zaštite.

III - CIVILNE ŽRTVE RATA

1. Visina stope doprinosa za civilne žrtve rata ako zdravstvenu zaštitu ne ostvaruju po drugom osnovu, regulisana je Odlukom o osnovicama i stopama doprinosa za obavezno zdravstveno osiguranje Kantona Sarajevo ("Službene novine Kantona Sarajevo", broj 11/00).

IV - ZAŠTITA PORODICE SA DJECOM

1.1. Dječiji dodatak

1. Ukoliko se pravo na dječiji dodatak ostvaruje po osnovu boravišta, to pravo se može ostvariti samo pod uvjetom da se isto pravo ne ostvaruje u mjestu prebivališta. U slučajevima kada se radi o raseljenim licima iz Republike Srpske kojima je regulisan status raseljenog lica tada se ne mora tražiti od tih lica da dostave dokaz da ne ostvaruju pravo u mjestu prebivališta već samo rješenje da je regulisan status raseljenog lica.
2. Dokaz da li je neko vlasnik preduzeća ili samostalne radnje ili ima registrovanu dopunsku djelatnost pribavlja se iz poreske uprave.

1.2. Smještaj djece uz osiguranu ishranu u ustanovama predškolskog odgoja

1. Visinu subvencije smještaja djeteta u predškolskim ustanovama te prava porodica koje smještaju više od jednog djeteta i drugi kriteriji utvrđeni su Uredbom o subvencioniranju troškova boravka djece u predškolskim ustanovama na području Kantona Sarajevo ("Službene novine Kantona Sarajevo", broj 23/02).

Ovo uputstvo stupa na snagu danom objavljivanja u "Službenim novinama Kantona Sarajevo".

Broj 13-02-9299
29. maja 2003. godine
Sarajevo

Ministar
Hajrudin Ibrahimović, s. r.

GRAD SARAJEVO

Gradsko vijeće

Na osnovu člana 56. stav 2. Zakona o prostornom uređenju Kantona Sarajevo ("Službene novine Kantona Sarajevo", br. 13/99, 19/99, 24/01 i 32/01 - ispravka) i člana 15. stav 1. tačka 1. i člana 24. stav 1. tačka 2. Statuta Grada Sarajeva ("Službene novine Kantona Sarajevo", br. 12/98 i 14/98), Gradsko vijeće je na sjednici održanoj dana 27. maja 2003. godine, donijelo

ODLUKU

O IZMJENAMA I DOPUNAMA REGULACIONOG PLANA "KOŠEVSKO BRDO"

Član 1.

Usvajaju se Izmjene i dopune Regulacionog plana "Koševo-sko Brdo" ("Službene novine Grada Sarajeva", br. 8/73, 18/78, 13/85, 22/89, 2/90, 19/90, 22/90 i 16/91) u dijelu lokaliteta "Zuko Džumhur" i lokaliteta za izgradnju vjerskog objekta" (u daljem tekstu: Plan).

Član 2.

Plan se sastoji od tekstualnog dijela i grafičkog dijela.

Tekstualni dio sadrži:

- Projekciju izgradnje i uređenja prostorne cjeline sa mjerama i aktivnostima za provođenje Plana,
- Odluku o provođenju Plana.

Grafički dio sadrži:

- Urbanizam prezentiran na odgovarajućem broju tematskih karata,
- Idejno rješenje saobraćaja,
- Idejno rješenje snabdijevanja vodom i odvodnja otpadnih i oborinskih voda,
- Idejno rješenje toplifikacije-gasifikacije,
- Idejno rješenje elektroenergetike i javne rasvjete,
- Idejno rješenje kablovske tk mreže,
- Idejno rješenje hortikulture.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije u Gradskoj upravi - Službi za urbano planiranje, Općini Centar Sarajevo, i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-578/03

29. maja 2003. godine

Sarajevo

Predsjedavajuća Gradskog

vijeća prof. dr. **Mira Jadrić**

Winterhalter, s. r.

Na osnovu člana 56. stav 2. Zakona o prostornom uređenju ("Službene novine Kantona Sarajevo", br. 13/99, 19/99, 24/01 i 32/01 - ispravka), člana 15. stav 1. tačka 1. i člana 24. stav 1. tačka 2. Statuta Grada Sarajeva ("Službene novine Kantona Sarajevo", broj 12/98 i 14/98), Gradsko vijeće je na sjednici održanoj 27. maja 2003. godine, donijelo

ODLUKU

O PROVOĐENJU IZMJENA I DOPUNA REGULACIONOG PLANA "KOŠEVSKO BRDO"

Član 1.

Ovom odlukom uređuje se provođenje Izmjena i dopuna Regulacionog plana "KOŠEVSKO BRDO" ("Službene novine Grada Sarajeva", br. 8/73, 18/78, 13/85, 22/89, 2/90, 19/90, 22/90 i 16/91) u daljem tekstu: Plan, a naročito granice obuhvata prostorne cjeline, granice lokaliteta "Zuko Džumhur", granice lokaliteta za izgradnju vjerskog objekta, urbanističko-tehničke uslove za izgradnju građevina, uslovi za uređenje građevinskog zemljišta, uređenje zelenih površina, te odnosi prema postojećim objektima i uslovi pod kojima se pojedine djelatnosti mogu obavljati u planiranom prostoru.

Član 2.

Usklađena granica obuhvata Regulacionog plana "Koševsko brdo" počinje od raskršća ulice Omera Stupca i projektovane trase I transverzale, odnosno od tromede parcela k.č. 1202 k.č. 1991 (koja je u stvarnosti ulica) i k.č. 254 K.O. Sarajevo VII i ide u pravcu sjevera istočnom stranom projektovane trase I transverzale koja ostaje van obuhvata, a koja ide preko parcela k.č. 254,253,252, 250, 243 i 232, produžava u istom pravcu zapadnim međama parcela k.č. 233/1,240/2,239/1, 235/3,235/1, 237/1, 185/1, 184 i 186/1 K.O. Sarajevo VII koje obuhvata. Granica nastavlja u istom pravcu istočnom stranom trase I transverzale koja ostaje van obuhvata, a koja ide preko parcela k.č. 142/1, 144/3, 144/1, 136/4, 136/2 i 136/1 i dolazi do tromede parcela k.č. 81/1, 136/1 i 134/5 K.O. Sarajevo VII.

Produžava u pravcu sjevera istočnom stranom trase I transverzale koja je van obuhvata, odnosno zapadnim međama parcela k.č. 81/1, 134/6, 81/7 i 1/1 K.O. Sarajevo VII, koje su unutar obuhvata. Granica dalje nastavlja istim pravcem zapadnim međama parcela k.č. 1390/2, 1378/2 i 1377/2 koje obuhvata i koje pripadaju K.O. Sarajevo VI i dolazi do tromede

parcela k.č. 1117, 1118 i 1377/2. Zatim produžava na sjeverozapad i siječe u pravoj liniji parcele k.č. 1118,1117,1121, 1122, 1124/3 i 1131/2, te dolazi do četveromede parcela k.č. 1131/2,1131/1, 1132/1 i 1132/2 K.O. Sarajevo VI.

Nastavlja u pravcu sjevera idući zapadnim međama parcela k.č. 1132/2, 1132/4, 1138/1, 1138/3, 1139/4, 1139/1, 1139/2, 1142/3, 1142/1, 1143 i 1145, koje ostaju unutar obuhvata.

Skreće na sjeverozapad međama parcela k.č. 1178, 1179/1, 1179/2, 1180, 1183/2 i 1183/1 i obuhvaćajući ih, izlazi na Jukićevu ulicu k.č. 1636 koja je sastavni dio obuhvata i slijedeći je, produžava u istom pravcu u dužini od 50 m.

Zatim granica skreće na sjever pravcem preko parcela k.č. 1177 i 1188 i izlazi na Alipašinu ulicu k.č. 1635/1.

Alipašinom ulicom koja ostaje van obuhvata, dolazi do tromede parcela k.č. 1504/1, 1504/2 i 1635/1 (Alipašina ulica), skreće na zapad idući južnom međom parcele k.č. 1504/1 K.O. Sarajevo VI, obuhvaća je i izlazi na Jukićevu ulicu.

Jukićevom ulicom skreće na sjeverozapad i dolazi do ulice Hakije Kulenovića. Obje ulice su u sastavu obuhvata.

Ulica Hakije Kulenovića granicu usmjerava prema jugu do jugoistočnog ruba parcele k.č. 55 K.O. Sarajevo VII.

Dalje nastavlja na jugozapad pravcem parcela k.č. 63 i 1201/2 do tromede parcela k.č. 50, 51 i 1201/2 koja je u stvarnosti ulica.

Prema jugu slijedi Ulicu Dajanli Ibrahim-bega, koja ostaje van obuhvata do tromede parcela k.č. 342/23, 385/10 i 383.

Od tromede granica produžava na jugozapad i pravcem siječe parcele k.č. 342/23 i 342/2 do najzapadnijeg ruba parcele k.č. 383.

Međom parcele k.č. 342/22 koja je sastavni dio obuhvata granica vodi prema jugozapadu do njenog najjužnijeg ruba.

Nastavlja pravcem prema jugu preko parcele k.č. 342/1 do tromede parcela k.č. 338/3, 342/2 i 331 K.O. Sarajevo VII.

Granica dalje ide ka jugozapadu međama parcele k.č. 338/3, 337/2, 316/23, 316/24, 316/25, 316/26, 316/27, 316/28, 316/29, 316/16, 316/31, 316/32 i 316/33, koje su unutar obuhvata K.O. Sarajevo VII.

Zatim prati smjer zapada te sjeverozapada i međama parcela k.č. 316/33, 316/34 i 316/37 (obuhvata ih) i izlazi na put k.č. 296/1. Presijeca put, te nastavlja na sjeverozapad međama parcela k.č. 296/4, 283/11, 283/10, 283/13, 283/9, 283/8 i 283/5 (obuhvata ih) K.O. Sarajevo VII i dolazi do tromede parcela k.č. 283/5, 283/1 i 284/2.

Lomi se u pravcu juga, zatim jugozapada međom parcele k.č. 284/2, 284/1 i 1202, koje su unutar obuhvata, a zatim dolazi do početne tromede.

Sve naprijed navedene parcele nalaze se u K.O. Sarajevo VI i Sarajevo VII.

Ukupna površina obuhvata Regulacionog plana iznosi cca 43 ha.

Granica obuhvata gdje se vrši izmjena Plana u dijelu lokaliteta "Zuko Džumhur" počinje sa raskršća ulica Muhameda Hadžijahića k.č. 1397/2 i Zuke Džumhura k.č. 1416 K.O. Sarajevo VI i ide u pravcu sjevera istočnom stranom ulice Muhameda Hadžijahića k.č. 1397/2 (koja nije u sastavu obuhvata) i dolazi do njenog raskršća sa ulicom Jukićeva k.č. 1640.

Dalje se lomi u pravcu jugoistoka ulicom Jukićeva k.č. 1640 i ostavlja je van obuhvata do njenog raskršća sa ulicom Zuke Džumhura k.č. 1651, koja je također van obuhvata.

Granica ulicom Zuke Džumhura nastavlja u pravcu zapada, presijeca ulicu Nusreta Šišića-Dede, te ide u pravcu sjeverozapada pored stambenih objekata na parcelama k.č. 1403 i 1402 pješačkom stazom (obuhvatajući naprijed pomenute objekte) i izlazi na ulicu Muhameda Hadžijahića, kojom produžava u pravcu sjevera k.č. 1397/2, ostavlja je van obuhvata i dolazi do raskršća odakle je opis granice i počeo.

Sve naprijed navedene parcele nalaze se u K.O. Sarajevo VI. Ukupna površina obuhvata iznosi 3,0 ha.

Granica obuhvata gdje se vrši izmjena Plana u dijelu lokaliteta vjerskog objekta počinje sa tačke broj 1 koja se nalazi na medi između parcela k.č. 77 i 1202/3 (ulica Maria Mikulića) udaljenoj od jugozapadnog ishodišta lista R = I: 1000 broj 109 po y = 43,5 m, a po x = 10,5 m, ide na zapad u pravoj liniji sijajući parcelu k.č. 77, te dolazi do tačke broj 2 koja se nalazi na medi između parcela k.č. 77 i 181/1 (ulica Livanjska) udaljenoj od jugoistočnog ishodišta lista R=I: 1000 broj 108 po y= 10 m, a po x= 11,5 m, lomi se idući u pravcu sjevera istočnom stranom ulice Livanjska k.č. 181/1 (ne obuhvata je) i dolazi do njenog raskršća sa ulicom Antuna Hangija k.č. 1202/5, produžava na jugoistok idući uz ulicu Antuna Hangija k.č. 1202/5, koju ne obuhvata i dolazi do njenog raskršća sa ulicom Maria Mikulića k.č. 1202/3, kojom produžava u pravcu juga (ne obuhvata je), te dolazi do tačke broj 1 odnosno mjesta odakle je opis granice i počeo.

Sve naprijed navedene parcele nalaze se u K.O. Sarajevo VII. Ukupna površina obuhvata iznosi 0,3 ha.

Član 3.

U obuhvatu Izmjena i dopuna Plana u dijelu lokaliteta "Zuko Džumhur" definisana je namjena kolektivnog stanovanja. Granice su opisane u članu 2. ove odluke. U okviru lokaliteta vjerskog objekta definisana je namjena centralnih sadržaja.

Član 4.

Izgradnja na području obuhvaćenog granicama opisanim u članu 2. ove odluke vrši se na osnovu:

- Izmjene i dopune Regulacionog plana "Koševsko brdo" (u dijelu lokaliteta "Zuko Džumhur" i u dijelu lokaliteta za izgradnju vjerskog objekta.
- Izmjene i dopune Regulacionog plana "Koševsko brdo" ("Službene novine Grada Sarajeva", br. 8/73, 18/78, 13/85, 22/89, 2/90, 19/90, 22/90 i 16/91).

Član 5.

Urbanističko-tehnički uslovi za izgradnju građevina su:

- Građevinske parcele utvrđene su regulacionim linijama;
- Građevinska linija utvrđuje dio građevinske parcele na kojoj je moguće izgraditi građevinu. Građevinska linija se ne može preći nijednim dijelom građevine;
- Nivelacione kote podova prizemlja za stambene objekte moraju biti minimum 60 cm iznad terena, a za poslovne prostore i vjerski objekat minimum 15 cm iznad površina koja je u funkciji pješačkog pristupa objektima;
- Tehnička dokumentacija za planirane objekte mora biti usaglašena sa uslovima fundiranja i preporukama vezanim za konstruktivne elemente u geoinžinjerском elaboratu, koji mora biti izrađen za svaki objekat;
- Regulacionim planom utvrđene maksimalne i minimalne spratnosti se ne mogu prekoračiti;
- Svi arhitektonski objekti predviđeni za izgradnju Izmjenama i dopunama Plana moraju biti oblikovani i građeni od savremenih materijala;
- Kod oblikovanja arhitektonskih objekata primjeniti kose ili zakrivljene krovne ravni, ravne krovove ili njihove kombinacije. U slučaju primjene kosih ili zakrivljenih krovni ravni dobivena potkrovlja se mogu koristiti za sadržaje koji su u funkciji primarne namjene objekta s tim da nadzida ne može preći visinu 50 cm od nosive ploče posljednje etaže. Za osvijetljavanje i provjetravanje primijeniti krovne prozore;
- U zavisnosti od dužine objekta u prizemljima istih obezbjediti pasaže kao sastavni dio pješačkih komunikacija, koje se formiraju vanjskim uređenjem na građevinskoj parceli;
- Veće slobodne površine na fasadama objekata mogu se koristiti za reklame, rasvjetu, iluminacije, nazive firme i sl. pod uslovom da se za ove potrebe izradi i usvoji

projekat izgleda cjelokupne fasade, na kojoj se postavljaju navedeni elementi;

- Uređaji koji su u funkciji obavljanja djelatnosti u objektu ventilacija, dimnjaci, klima uređaji i sl.) moraju se smjestiti unutar osnovnog gabarita objekta, posebno u slučaju kada bi svojim volumenom, oblikom i primijenjenim materijalom, mogli znatno uticati na arhitektonski izgled fasade;
- Na navedenim lokalitetima izgradnja pomoćnih objekata (ljetne kuhinje, šupe i sl.) nije dozvoljena;
- Unutar granica opisanih u članu 2. ove odluke se ne može odobriti postavljanje privremenih objekata izuzimajući privremene objekte za potrebe gradilišta, a koji se moraju ukloniti prije početka tehničkog prijema građevina.
- Uređenje građevinskog zemljišta se mora izvesti u obimu i na način kako je to predviđeno Izmjenama i dopunama Plana. Izgradnja građevina se ne može započeti bez prethodnog minimalnog uređenja građevinskog zemljišta, pod čime se podrazumijeva obezbjeđenje saobraćajnog pristupa parceli, priključenja na vodovodnu, kanalizacionu i elektroenergetsku mrežu, eventualno izmještanje vodova komunalne infrastrukture, te potrebnih radova na stabilizaciji terena.

Član 6.

- Izgradnja građevina na lokalitetu "Zuko Džumhur", a posebno naznačene u grafičkom dijelu plana I faze, ne može započeti prije rješavanja imovinsko-pravnih odnosa između potencijalnog investitora i vlasnika stanova. Prioritet u rješavanju ovih odnosa mora biti dodjela novoizgrađenog stana na istom lokalitetu najmanje 50 m² BGP (zamjenski stan), čime se stvaraju uslovi za dalju gradnju po fazama i konačnu realizaciju samog lokaliteta. Izgradnja stambenih objekata u naznačenim fazama je uslovljena i izgradnjom garažnog prostora.
- Privremeno korištenje građevinskog zemljišta, koje nije privedeno krajnjoj namjeni se ne može odobriti. .
- U obuhvatu Plana izgradnja građevina, izuzev I faze lokaliteta "Zuko Džumhur", ne može započeti prije uklanjanja objekata predviđenih za rušenje.

Član 7.

Intervencije na postojećim objektima na lokalitetu "Zuko Džumhur" se odnose na dogradnju sprata na objektima označeni u grafičkom prilogu "postojeće stanje", kao novi objekat i obdanište, za koje je potrebno prethodno pribavljanje geotehničkog izvještaja za svaki objekat.

Član 8.

Ovom odlukom na lokalitetu "Zuko Džumhur" i lokalitetu za izgradnju vjerskog objekta, utvrđuje se kategorija zelenila kao zelenilo općeg korištenja-blokovsko zelenilo.

Član 9.

- Uređenje površina blokovskog zelenila se mora izvršiti prije tehničkog prijema planiranih objekata,
- Tehnički prijem objekata podrazumijeva i prijem izvedenih radova na uređenje zelenih površina.

Član 10.

U poslovnim prostorima mogu se obavljati sve djelatnosti, koje ne ugrožavaju prirodnu sredinu i okoliš i koji ne remete korištenje susjednih objekata, a naročito djelatnosti iz domena proizvodnje, skladištenja, transporta.

Član 11.


Uslovi za sklanjanje stanovništva moraju biti obezbjeđeni u skladu sa članom 179. Zakona o odbrani Federacije Bosne i Hercegovine ("Službene novine Federacije BiH", broj 15/96).

Član 12.

Ova odluka stupa na snagu osmog dana od dana objavljivanja
u "Službenim novinama Kantona Sarajevo".

Broj 01-02-579/03
29. maja 2003. godine
Sarajevo

Predsjedavajuća Gradskog
vijeća prof. dr. **Mira Jadrić**
Winterhalter, s. r.



IZVOD IZ IZMJENA I DOPUNA
REGULACIONOG PLANA
" KOŠEVSKO BRDO "

R = 1 : 2000

A lokalitet " ZUKO DŽUMHUR "

B lokalitet za vjerski objekat

